

Johann Kasimir Pfalz, Pfalzgraf


Pfaltzgraff Johann || Casimirs #[et]c. Vormunds/ vnnd der || Churfürstlichen Pfaltz Administrators/ #[et]c.|| Mandat vñ Befelch/ daß bey ettlichen Kirchen vnd Schuln || in der Chur Pfaltz/ eingerissene condemnirn vnd Le=||stern vff der Cantzel vnd in den Schuln/ fürther || zu vnderlassen vnd ab zu=||schaffen.||

Heidelberg: Müller, Jakob, 1584

<http://purl.uni-rostock.de/rosdok/ppn81977149X>

Druck Freier  Zugang





M. Coletti Warnung und Vermahnungsschrift an die Fürst-
lichen in Saechs. durch Jacob Adam Calvini, Sr.

D. H. Reich von S. Franco.

Pfalzgraf Josen Casimirs Mandat de non
damnatis Calaminis

Duellum Gloschämum Ob dem ungriffen Landt-
ständen für die Zulassung libertas religionis?

Adami Catonis sendbrief wider M. Gründmann
von Calvini Ruffen, welche D. Luffer, der haben
approbiret, und wider M. Georg. Bertrammi
Dial. e. theologia.

D. Jacob. Heilbrüneri synopsis altera doctrinae
Calaminiae, wider Math. Bräunlers gegenberiffen,
Breueiß, des Fürst Georg von Anhalt Fürst von den
Calaminischen abgehandelt.

In Heol. Faucher für vitterliches antwort auf
die Anfallschrift Schrift de Abrogatione
Cereemoniarum.

Ein difreiß der Ritterschaft in Anhalt, die der
nicht zugewandt für die Calviniß. Refor-
mation.

Anmerck auf S. vitterberiffen Kirch
Vitterbreueiß, des D. Merius im Erzlatenamt
Expositio de iustitia in dem episcopi
Zeitstr.

F. g. — 1183^{1-12.}

51 b. 7.

W. 435 p

S. vt. 10

A - C

A - B

A - D

W. 369 p

W. 33 fol.

159 fol.

W. 26 fol.


16 p

B vt 10

A - C

Pfalzgraff Johann

Casimirs 2c. Vormunds / vnnnd der
Churfürstlichen Pfaltz Administrators 2c.
Mandat vñ Befelch/dasß bey ettelichen Kirchen vnd Schultn
inder Chur Pfaltz eingerissene condemnirn vnd Lea-
stern/vff der Cankel vnd in den Schultn/fürther
zu vnderlassen vnd ab zu
schaffen.




M. Müller

Betruckt in der Churfürstlichen Statt
Heidelberg/durch Jacob Müller.

M. D. LXXXIII.

Handwritten text, likely bleed-through from the reverse side of the page. The text is faint and difficult to decipher but appears to be a list or index of entries.



Handwritten text at the bottom of the page, possibly a date or a reference number. The text is faint and difficult to read, but appears to include the year "M.D.C.C.XXIII" (1723).



7.
In Gottes gnaden / Wir
Johann Casimir Pfaltzgraff bey
Rhein/Vormundt/vñ der Chur-
fürstlichen Pfaltz Administrator,
Herzog in Bayern etc. Empieten allen vnd jeden
onsern Rhäten/Obern vnd vndern Amptleu-
ten/Schultheissen/Burgermeistern/Rhäten/
Dorffmeistern/Gerichten/Bürgern/Gemein-
den/Vnderthanen/angehörigen vnd verwand-
ten/Insonderheit aber den Superintendenten/
Pfarrherrn/Predigern/Etisten/Kirchen: vnd
Schuldienern/ dieser vndern Churfürstlichen
Pfaltz / Geistlichen vnd Weltlichen / in was
Stand vnd wesen die seyen/onsern Gruß/gnad
vnd alles guts zuvor/vnd geben euch hiemit zu-
vernehmen.

Nach dem vermittelst Göttlicher gnedigen
schickung/Wir durch ordenliche wege der Gül-
den Bulla/vnd sonsten vermög der Rechten/zur
Administration des Churfürstenthumbs der
Pfaltz kommen/vnd ons erinnert/das ons als
einer Christlichen Oberkeit in allweg obliegen
vnd gebüren will/nicht allein dem Seligmach-
enden Wort Gottes/zu der Vnderthanen Ewli-
gen vnd zeitlichen Wolsahrt/vnd ihrer Seelen
A ij seligkeit

seligkeit / seinen freyen stracken Lauff zuverstatten / vnd solchen so viel an vns zubefördern / sonder auch was demselben zuwider sein mag / Als nemlich / alle mit gemeiner erkantnuß der Euangelischen Kirchen verworffene irrige Lehren / Auch das ein zeithero auff den Tankeln / vnd in Schulen eingerissen ärgerlich vnd unbefugt bezüchtigen / schmähen / condemniren vñ verkehren / vnschuldiger / der reinen Euangelische Lehr zugethaner vnd vmb die Kirche Christi wolverdienter Leuth vnd Lehrer / von wegen etlicher streitigen vnd bey den Euangelischen Kirchen vnerglichenen erklärungs / sonderlich im handel vom h. Abendmal vnsers Herrn Jesu Christi / zufürkommen vnd abzuschaffen.

In sonderlicher betrachtung / das durch solche gezänck die Gemeine Gottes nit erbauet / vnd Christo zugeführet / Sonder vielmehr zerstöret / geärgert / die zarten Gewissen irr vnd zweiffenlich gemacht / das Band brüderlicher Lieb zerrissen / auch die Papisten vnd andere / so noch der warheit vnerfahren / von annemung vnd beliebung derselben abgeschreckt / denen billich mit gutem vnschuldlichem Wandel / Gedult / Sanfftmüt vnd Christlicher bescheidenheit / ein gut Eyempel vnd anlaß gegeben werden.

den solt/zu vnser wahren Christlichen Religion
zutretten/ Gott den Herrn mit allen recht-
gläubigen zuloben vnd zupreisen.

Wie wir vns dann auß jehertzelten erheb-
lichen vrsachen/ Mit weilandt vnserm freund-
lichen lieben Brudern Pfaltzgraff Ludwigen
Churfürsten zc. seliger gedechtnuß (allermas-
sen wie bey Lebzeiten/ weilandt vnser geliebten
Herrn vatters Pfaltzgraff Fridrichen Chur-
fürsten zc. seliger gedechtnuß/ durch S. B. L. vnd
andere mehr Chur: vnd Fürsten der Augspur-
gischen Confession ebenmessig beschehen) Brü-
derlich verglichen/ einander zugesagt/ vnd da-
rob festiglich zuhalten versprochen/ vorberürt
Ergernuß/ vnchristlichs condemniren/ verkehr-
er vnd beunrütigung des gemeinen Mans/ ab-
zuschaffen / wie dasselbige auch die Präfatation
S. L. außgangenen Kirchenordnung außdrück-
lich vermag vñ außweiset/ sonder da einige Miß-
verstände in Religionsfachen vorhanden/ oder
fürfielen/ dieselben nicht mit Lästern/ schmähen
vnd vnzeitigem condemniren auff den Can-
keln zuverwirrung des gemeinen Mans/ son-
der durch ordentliche/ vnd in der Kirchen Christi-
gebürliche Mittel vnd wege Christlicher Collo-
quien vnd Synoden hin: vnd beilegen zulassen.

A iij Wann

Wasi vns nun gleich zu eintretung
vnsrer Regierung vnd Churfürslichen Admi-
nistration/ sowol von Vnderthanen/ als andern
vielfältige Klagen fürkommen/ das von vilen
Pfarhern/ Kirchen: vnd Schudienern solchem
nit nachgeseht/ Sondern das schelten/lästern/
vngegründtes zumessen vnd vngütlichs be-
schuldigen irriger Lehr/the lenger the mehr zu-
genommen/ Dardurch die Vnderthanen so di-
sem Vnwesen kein beyfall thun/ vnd eins theils
mit ihnen den Kirchendienern in mißuerstandt
des Heyligen Abendmals (oder eigentlich zu-
sagen/der Mündlichen niessung halb/des Leibs
Christi im Brodt verborgen/wie etliche davon
reden vnd halten) nicht vergeichen können/
auff den Kanzeln vnd sonst zum ärgsten
angefahren / außgehiepet / angefeindet / von
den Heyligen Sacramenten abgehalten / vnd
bey der Heyligen Tauff zu Geuattern züfte-
hen / abgewiesen / Ja auch ihnen an etlichen
Orten/die schuldige Begrebnuß versagt / wel-
ches beydes dann ihnen bey obgedachts vnser
geliebten Bruders fünf abgestorbenen Chur-
fürstens / etc. Lebzeiten / nie gut geheissen noch
verstatet worden. Daraus dann auch weiters
erfolgt/das sie nicht zu Ehrlichen ämptern des
Rathsfaß

Rhatsfaß vnd sonsten gezogen / sonder dawon außgeschossen worden.

Demnach zu fürkommung vnd verhüttung solches vbelts/vnrahts vñ verbitte- rung/auch verwirrung der Gemüter vnd alles verdachts/ damit vnser e Christliche Religion/ bey den einfältigen/von vnräwigen Leuthen beschwert oder verhaßt zumachen/ vnderstanden. Erklären wir vns hie mit/ vnd bezeugen offentlich/ das wir keines wegs gesinnet/ einiger Ke- herey/ Gotteslästerung oder Irthumb/ so von der vhrakten rechtgläubigen Christlichen/ oder zu vnsern zeitten mit einhelligem Consens/ der Euangelischen Kirchen verworffen / vnd auß den verworffnen/ auch zum offtermal widerleg- ten Irthumben herfließen/ stat/ platz vnd raum zugeben/ oder dieselben zu gedulden/ Sondern/ soll allen Predigern vnd Lehrern mit sattem Grund der Schrift dieselben zu widerlegen/ zu straffen vnd die Leuth dar für zu warnen / frey vnd erlaubt/ ja ernstlich eingebunden sein.

Was aber den fürgefallenen stritt vom Heyligen Abendmal anlangt / darinnen man so weit einig/ das alle theyl vnd streitende Partheyen eintrechtig vnd offentlich bekennen/

Das

Das man des wahren wesentlichen Leibs vnd
Bluts vnsers H E R R N vnd Heylands Jesu
Christi/ auch aller seiner wol: vnd gutthaten in
rechtem brauch des Heyligen Abendmals war-
hafftig theilhafftig werde/ Vnd das vnser Herr
Christus bey seinem Heyligen Abendmal ge-
genwertig seye. Wie auch bey der Predig seines
Heyligen Euangeliums/ vnd der Mißuerstand
allein (ausgenommen was etliche wenig vnrü-
wiger Leuth für kurzen Jahren auß allerley
Strettschriefften für seltsame Disputationes von
der Person Christi/ geholet vñ auff die Ban ge-
bracht haben) de modo praesentiae sich halten thut/
daß ist/ Wie vñ welcher gestalt solche gegenwart
vnd niessung des Leibs vnd Bluts zu verstehen
vnd zugehe/ Ob nemlich solcher Leib im Brodt
Leiblich/ oder aber vns seinen Gliedmassen/ mit
welchen sich Christus durch seine Zusage ver-
bindet/ gegenwertig seye/ wie vns dann beyde/
das Wort des Euangeliums vnd die Sacra-
ment/ nicht von dem das in der stam̄ des Predi-
gers/ oder in den Elementen verborgen seye/
sondern was vns den Christgläubigē geschenckt
vnd in dem rechten gebrauch solcher Mitteln
oberrecht werde/ zeugen vnd versichern/ welche
letztere Meinüg/ wir auch Gottes wort/ vnserm
Christlichen

Christlichen glauben/ auch allen alten Kirchens
Lehrern gemess halten/ vnd in der Augspurgi-
schen Confession/ dern Apologirepetition, vnd an-
dern allgemeynen öffentlichen Bekandt-
nissen der Euangelischen Kirchen begriffen.

So ist vnser will vnd meinung
ernstlich vnd bey höchster vngnad befelhend/
daß gleichwol mit den schwachen / die solche
Lehr/ zu welcher wir vns bekennen/ Inmassen
dieselbige auch in vnser Herr vatters Pfaltz-
graff Friderichs Churfürsten zc. seliger gedech-
nuß außgangenem / vnd in Truck publicirten
Catechismo verfasst / noch nicht erreychen kön-
nen/ gedult zutragen/ vnd ihnen mit aller sanfft-
muth auß dem Wort Gottes Bericht zugeben/
Keiner aber den andern von wegen solcher vn-
ser Lehr/ die wir in dem wort Gottes gegründet
finden/ auff der Kanzel/ in Schrifften oder son-
sten schmählich antaste/ verdamme/ vñ wie bishe-
ro von friedhässigen Leuthen beschehen / dem
Teuffel ergebe/ in betrachtung das solcher Streitt
biß noch auff keinem rechtmässigen Concilio, Sys-
nodo, oder hierumb verglichner vnd angestelter
allgemeiner vnpartheylicher Religions Ver-
samlung ordentlicher weiß decidirt worden ist.
Sonderlich auch solle sie sich ferners dern bey
B den

Den Papisten vnd andern der Warheit unges-
wognen verhassten des Lutheri/ Caluini/ vnd
anderer Gelehrten/ vnd omb die Christliche
Kirchen/wolordentlicher Männer verkleinerlichen
Nachnamen/ die zum theil in Gott seliglichen
verstorben/ vnd nach iren mitgetheilten Gaben
die Leuth auß der Finsternuß des Pabsihumbs
gerissen/ auff der Kanzel enthalten/ die arme
vnerstendige Vnderthanen vnd zarte Gewis-
sen damit nicht betrüben/ ärgern/ irr: vnd
Trennungen machen/ Einthemales an deme
vnd gewiß ist/ daß solche gelehrte Männer vnd
Kirchendiener/ laut deren miteinander/ nicht
allein Anno 12. 29. zu Narpurg/sonder vilmehr
Anno 12. 36. zu Wittenberg gemachten Concor-
dien vnd Brüderlichen vereynbarung in allen
Hauptpuncten vnser Christlichen Glaubens/
auch im Handel vom heyligen Tauff vnd vom
heyligen Abendmal in fundamento einig gewes-
sen/vnd einander für Brüder erkennt/welches
auch hernach von den fürnehmsten Autoren vnd
Bekennern der Augspurgischen Confession ge-
schehen/ Wie dann auch sonst/ was die parthei-
sche Namen anlangt/ dasselb in Gottes Wort
gestrafft würt/ daß man sich vff die Menschen be-
ruffen/ einer Ephesisch/ der ander Appollisch/ der
Dritt

7.
dritt Paulisch/also auch jehiger zeit Luthertisch
oder Caluinisch/genandt wirdt/sonder wir vns
alle cynig auff Christum/in dessen Namen wir
getaufft/vñ durch ine erlöst worden/ziehen vnd
referiren sollen/In fernerer betrachtung/das
vnder vnd von wegen solchen verhaszten auffge-
dichten Namen in: vnd aufferhalb des Römi-
schen Reichs / alle Christen vnd Euangelische
Kirchen / so sich vom Pabsstumb abgesöndert/
vom Antichrist zu Rom vnd seinem Anhang/
ohne einigen vnderschiedt/der einer oder andern
Meynung/verfolget/vnd auß zurotten vnder-
standen worden ic. wie auch noch.

Zu deme die Göttliche Schrift/ auch des
Nechsten lieb von allen Christen/sonderlich dem
Kirchendienern erfordert/das die Leuth mit Be-
scheidenheit/sanfftmüt vnd Gedult auß Gottes
wort Christo gewonnen/zugeführt vnd erbau-
wet/vnd nicht mit schelt:vnd schmechworten da-
von abgewisen/vnd für den Kopff gestossen wer-
den. Vielweniger können wir gestatten vnd zu-
geben/das die Kirchen:vnd Schuldiener/auff
der Kanzel oder in Schriften einander falsche
vnd Leherische Lehr zulegen/andichten / vnd
mit öffentlichem Vngrundt vnd Vnwarheit
beschweren / vnd also falsche Zeugnuß geben/
B ij allein

allein zu dem End / damit die Wahrheit / reine
Lehr vnd unschuldige Personen / dardurch bey
dem gemeinen Mann verhaß zumachen vnd zu
verleumbden / Sonder wollen die hiemit / als die
keinem erbaren auffrichtigen Mann / viel weni-
ger Kirchendienern zustehen vnd gebüren / ernst-
lich vnd bey höchster Straff vnd Bngnad ver-
botten haben / Sonderlich aber folgende offen-
bare Calumnien / Das man mit vngrund für-
gibt / das die ihenige so diese Wort / Das
Brodt ist der Leib Christi / nicht von einem
vn sichtbaren Leib im Brodt verborgen / oder
sonsten: Das das Brodt leiblich / wesentlich der
Leib des H E R R N seye / vnd solcher Leib
Mündlich / wie das Brodt gessen werde / ver-
stehen / sonder Sacramentlich / daß es nach art
aller Sacrament / ein Göttlich Warzeichen seye
deß wahren Leibs Christi / der zur Speise der
Seelen / vns im rechten Brauch zu genießten
obergeben vnd gereicht werde / Daß sie darumb
die Wort Christi / im heyligen Abendmal nicht
für wahr halten. Item / Daß sie die Allmech-
tigkeit Gottes vnd Christi verleugnen. Item /
Daß sie die Heylige Sacramenta / allein für
blose Zeichen vnd Bedeutungen / vnd nicht für
solche

solche halten / damit vns das ihentge / was sie
anbilden vnd bezeugen / gegeben werde. Item/
Das sie keine gegenwardt Christi im h. Abend-
mal erkennen / sonder lehren sollen / Er seye so weit
vom h. Abendmal / als der obriste Himmel von
der Erden / Welches der eine theyl nicht / sonder
das gelehrt: daß ob schon der Leib Christi / nach
seiner Himelfahrt / ortz halben / wie die Heilige
Engel / S. Paulus / vñ andere Apostel einhellig-
lich zeugen / so weit von den Irdischen Elemen-
ten / als der Himmel von der Erden ist / seye er doch
vns in dieser heyligen Handlung / die vielmehr
Himlisch dan Irdisch ist / darinnen auch der All-
mechtige Geist Christi würckt / vnd die Glider
mit dem Haupt vereynbar / warhafftig gegen-
wertig / Wie dan vermög des Nicenische Concilij
wir bey diesem Göttliche Tische / nit am Irdische /
sichtbaren sürgesetzten Kelch vnd Brodt nider-
trächtig hangē / Sonder vnser Gemüt im Glau-
ben hinauff erheben sollen / da Christus ist /
spricht S. Paulus / sitzendi zur rechten des Vat-
ters / vnd von dannen wir seiner leiblichen An-
kunft erwarten. Item / Das sie lehren sollen /
Christus seye an einem Ort im Himel verschlos-
sen / vnd gleichsam gefangen. Item / Man werde
allyen mit dem Geist Christi vnd seiner Woltha-

B iii ten

ten/aber nit mit seinem Leib gespeiset. Item/das
sie allein der Vernunft vnd Philosophi/nit aber
dem wort Gottes nachvolgen/vnd was derglei-
chen mehr öffentliche calumnien vñ lästerungen
sein/so solcher in Gottes wort gegründter Lehr
angedichtet werden/ vnd doch auß Grund der
H. Schrifften vnd sonst vielfältiglich sein
widersprochen/abgeleinet vñ widerlegt worden.

*zu Vbig
takt*

Demnach auch zu disem Mißverstandt/
durch etlich wenig vorwitzige Lehrer/ die Dispu-
tation von der Allenthalbenheit des Leibs Jesu
Christi/ gezogen vnd eingemenget worden/ da-
mit die Leibliche Gegenwart des Leibs Christi
im Brodt / vnd das mündtlich Essen gedachts
Leibs zubestettigē/ dardurch diser Strit selenger
she verwirter/ vnd der gemeine Mann/ mit spißli-
gen vñ gefährlichen Fragen vnd Disputation noch
strriger gemacht worden/ Auch bey diesem Han-
del den ihenigen so die reyne Lehr von der Per-
sönlichen vereynigung auß dem Wort Gottes/
vñ vralten Symbolis mit der ganken Christgläu-
bigen Kirchen wider die erdichte Allenthalben-
heit des Leibs Christi lehren/ behaupten vñ ver-
fechten / nicht weniger calumnien vñ falsche
strige Lehr angeschmitzet/ vñ sie bey dem gemeinē
Mann mit vngrund beschuldiget wollen werden.

Als

Als ob sie lehren/ Christus seyen nicht ein all-
mächtiger Christus / vnd wer also ihre Lehr
dem Arianismo nahe verwandt. Item / Die
menschliche Natur habe nichts durch die per-
sönliche Vereinigung empfangen/ als Tittel vnd
blosse Namen. Item/ Daß sie die Person Chri-
sti mit Nestoriotrennen/ vñ ein halben Christum/
nit ein ganzem allhie auff Erden erkennen. Item/
Daß sie vnsern Emanuelem, Christum/ nit ganz
in beyden Naturen vnzertrennet anbetten / vnd
was dergleichen falsche bezüchtigungen mehr
den Leuthen eingebleuuet worden.

Hierauff befehlen wir den Pfar-
herrn vnd Kirchendienern/ daß sie von solchem
Geheimnuß der Person Christi Schriftmässig/
einfältig vnt lobrie nach Gottes Wort Ephesini
Concilij determination vnd Symbolo Chalcedonensi
lehren vñ predigen/ aller spitzfindigen vnerbau-
lichen Fragen/ die der gemeyne Mann nit fassen
kan/ vnd die wahre eigenschafft des mensch-
lichen Leibs auffheben/ sonder dar durch nur irr-
vñ zweifelig gemacht/ Wie auch seho angereg-
ter vñ anderer calumnien vnd erdichten Zulag-
en/ so in vnserer Kirchen Catechismo Bekantnis-
sen vnd Schriften hie bevor außgange/ statlich
widerlegt/ bey ernstlicher straff vñ vngnad gantz
sch. enthalten vnd oberstehen. Vnd

Vnd die weil die erfahrung bißhero geben/
Daß mehrertheil der Prediger solche calum-
nien von hören sagen/auff die Kanzel bringen/
die vnserer vnd anderer gelehrten Leuth bücher/
Wie auch die Augspurgische Confession vnd
derselben Apologiam nicht gelesen/Ist vnser be-
fehl / Will vnd Meinung / daß Kirchen: vnd
Schuldiener/so von diesem Handel Lehren vnd
Predigen/ vnser vnd anderer Leut außgangene
Bücher fleißig selbst lesen / erwegen/brüsen/ge-
gen Gottes Wort Augspurgischer Confession
vnd Apologiam halten / da sie etwas / das sie nit
gnugsam fassen noch verstehen können / finden
soltten / sich mit vnsern Theologis vnd Kirchen-
dienern / durch freundliche vnd Christliche Ge-
spräch vnderreden vnd berichten lassen / Damit
aller Mißverstand / auch vnzeitige vnbesügte
Verdammungen / vnd ärgerliche Lasterungen
vermitten bleiben.

Ferner / nach dem fast mehrtheils die Religi-
ons irrung / auß den Stritt vñ zweiffelhafftigen
Schriften / Glossen vñ außlegungen der Men-
schen herfließen / vnd alle rechtgläubigen Chri-
sten / Wie auch vnserer liebe Vorfahrn / vnd Wir
vns allein zum Wort Gottes / die Vhralte be-
werre Symbola Christlicher Kirchen / wie auch
der

der Augspurgischen Confession vnd derselben
Apologi/ als demselbigē alleyn gemess/ beruffen/
So befehlen wir vnsern Kirchen: vnd Schuldie-
nern/ daß sie die lieben Vnderthanen/ Wie auch
die Jugend allein/ auff solche allgemeine Befan-
te/ approbirte/ vnd nit auff die Streitschriften/
oder andere Gründ vnd Fundamenta, sie haben
gleich Namen wie sie wollen / die heutigs tags
zwischen den Ständen Augspurgischer Con-
fession strittig/ vnd in keiner allgemeinen Ver-
samlung angenommen vnd bestettiget/ gewissen
werden / Biß der liebe Gott einmal gnad gibt/
daß die eingerissene Mißverstände in obigen
Puncten in einem freyen gemeinen Synodo mö-
gen erörtert werden/ vñ das hiezwischen solches
Mißuerstands vnd Stritts vom H. Abend-
mal / keyn theyl das ander antasten / lästern/
schmähen/ oder belästigen wölle: Sonder viel-
mehr alle ihre Predigten dahin richten/ daß die
Vnderthanen vnd Zuhörer/ in eynfalt vnser
Christlichen Glaubens erbawet/ zur Buß vnd
verbesserung ihres Lebens / wie auch zu brü-
derlicher Lieb vnd Einigkeit/ bevorab in disen ge-
fährlichen betrübten zeiten / angewiesen vnd
vermahnet/ Auch sie selbst ein jeder dem andern
mit Christlicher Sanfftmüt vnd geduldt/ vn-
L der

der augen gehen / mit der That beweisen / vnd
andern dessen gute Exempla geben / das sie Gli-
der Jesu Christi seyen / vnd denselben in ihrea
Herzen wohnend haben.

Beschließlich / Weiln wir in er-
fahrung kommen / das etliche Predicanten /
Kirchen: vnd Schuldiener / zu behauptung vnd
vermäntelung ihres ärgerlichen scheltens / läste-
rens vnd condemnirens / auch abhaltung von
den Heyligen Sacramenten / ihre Ahdspflicht
fürwenden / damit sie einem Kirchenhat hiebe-
vor zugethan gewesen / Darzu sich auch auff
einen / von angeregten Kirchenhäten / ohne vor-
wissen gedachts vnser Bruders seligen L. vnd
dero Großhoffmeisters vnd Rhat / vnder Dato
den 19. Julij vergangenes 87. Jars außgangen
Befelch referiren / vñ sich damit zubehelffen ver-
meynen. Wollen wir alle solche Iuramenta, vnd
dergleichen vermeynte außgangene Befelch hie-
mit abgethan / gentslichen auffgehoben vnd cas-
sirt haben.


Hierauff allen obgedachten vn-
sern Superintendentē / Pfarhern / Predigern /
Kirchen vnd Schuldienern befehlend / dem al-
lem.


tem/ so ihrenthalb vorgesehet/ mit Christlichem
eyfer / fleiß vnd bescheidenheit nachzukommen
vñ zugeleben/ Dañ auch vnsern Rhaten/ Ober:
vnd Vnder Amptleuthen/ Schultheissen/ Bur:
germeistern/ Eltisten/ Rhat vnd Gerichten/ bey
den Pflichten / damit sie vns verwandt seyen/
mit ernst gebietendt / daran zusein / vnd zuver:
schaffen / auch gut achtung zuhaben / daß dem
ihenigen / so oberzehlt in gemeyn/ vnd besonder
bestes fleißes nachgeseht/ vnd beydes bey Kirch:
endienern / Zuhörern vnd Vnderthanen / gute
Christliche Eynigkeit vnd Brüderliche lieb ge:
pflantz vnd erhalten/ sampt woh dasselb von ei:
nem oder andern oberfahren/ vnd mit vorange:
regtem ärgerlichem lästern / condemniren vnd
schelten nichts weniger fortgeschritten / vnd
sich desselben nicht mäßigen würden/ die davon
zuverwarnen vnd abzuhalten/ vnd so das auch
nicht verfanglich / vnverlengt an Vns gelan:
gen zulassen/ darvnder die weiter gebür zuver:
fügen vnd vorzunemen haben.


An diesem allem geschicht das ihenige/
was Gott gefällig / dem Nächsten erbawlich/
vnd vnser ernstlicher Will vñnd Meynung ist.
Zu Verkundt versigelt mit vnserm auffgetruck-


G u tem

tem Secret. Datum Heydelberg Mitwochs
den neuntzehenden Monats tag Februarii/
Als man zalt nach Christi onfers lieben Herrn
vnd Seligmachers Geburt / im Fünffzehen-
hundert vier vnd achtzigsten Jahr.









Doctor VRBANVS PIE
VS ein Caluinist sey. Denn

X gibt für / Christus vermöge nicht
mit seiuem Leibe wesentlich zu gleich
im Himmel vnd auff Erden zu sein im
Abendmal / Dierweil solches wider die
eigenschafft eines natürlichen Leibes
sey.

Blut so Christus zu Jerusalem vergos
nicht zu Wittenberg sein.

der Leib Christi sey nicht eben da / vnd
da das gesegnete Brot ist.

*praesentia corporis & sanguinis Christi in
re re^{ta} & spiritualis.*

man müsse mit dem Glauben in Himmel
alda den Leib Christi ergreifen.

die Unwürdigen bösen Christen / den
Blut Christi nicht empfahen / sondern
nd Wein.

der Person Christi helt er / das der
en natur / in / von wegen / vnd nach art
chen voreinigung / ohne vergleichung /
g / vnd abtilgung / in der that vnd war-
Göttliche eigenschafften / können noch
hrieben werden.

in genus communicationis muß im fictum

A 2 Et

